

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«----» փետրվարի 2022թ.

N Ա

ՈՐՈՇՈՒՄ

«ԵՐԵՎԱՆԻ ՇԵՆԳԱՎԻԹԻ ՍԵՂԱՆԻ ԹԵՆԻՍԻ ԵՎ ԹԵՆԻՍԻ ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ», «ԵՐԵՎԱՆԻ ՇԵՆԳԱՎԻԹԻ ԱԿՐՈՔԱՏԻԿԱՅԻ ԵՎ ԳԵՂԱՐՎԵՍՏԱԿԱՆ ՄԱՐՄՆԱՄԱՐԶՈՒԹՅԱՆ ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ» ԵՎ «ՇԵՆԳԱՎԻԹԻ ՆԵՏԱԶԳՈՒԹՅԱՆ ՄԱՐԶԱԿՈՒՄԲ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆԵՐԸ ՎԵՐԱԿԱԶՄԱԿԵՐՊԵԼՈՒ, «ՇԵՆԳԱՎԻԹԻ ՀԱՄԱԼԻՐ ՄԱՐԶԱԶԵՎԵՐԻ ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ» ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԱՆՎԱՆԱՓՈԽՄԱՆ ԵՎ ԿԱՆՈՆԱԴՐՈՒԹՅՈՒՆԸ ՆՈՐ ԽՄԲԱԳՐՈՒԹՅԱՄԲ ՀԱՍՏԱՏԵԼՈՒ ՄԱՍԻՆ

Ղեկավարվելով ՀՀ քաղաքացիական օրենսգրքի 63-րդ հոդվածի 1-ին մասով, «Պետական ոչ առևտրային կազմակերպությունների մասին» օրենքի 13-րդ հոդվածի 2-րդ մասի «գ» կետով և 24-րդ հոդվածով, «Երևան քաղաքում տեղական ինքնակառավարման մասին» օրենքի 12-րդ հոդվածի 1-ին մասի 14-րդ և 23-րդ կետերով՝

Երևան քաղաքի ավագանին որոշում է.

1. «Երևանի Շենգավիթի սեղանի թենիսի և թենիսի մանկապատանեկան մարզադպրոց», «Երևանի Շենգավիթի ակրոբատիկայի և գեղարվեստական մարմնամարզության մանկապատանեկան մարզադպրոց», «Շենգավիթի նետաձգության մարզակումբ» համայնքային ոչ առևտրային կազմակերպությունները վերակազմակերպմամբ միավորել «Շենգավիթի համալիր մարզաձևերի մանկապատանեկան մարզադպրոց» համայնքային ոչ առևտրային կազմակերպությանը:

2. «Շենգավիթի համալիր մարզաձևերի մանկապատանեկան մարզադպրոց» համայնքային ոչ առևտրային կազմակերպությունն անվանափոխել «Երևան քաղաքի Շենգավիթ վարչական շրջանի համալիր մարզադպրոց» համայնքային ոչ առևտրային կազմակերպության (այսուհետ նաև՝ Կազմակերպություն):

3. Սահմանել, որ.

3.1. Կազմակերպության առարկան ու նպատակներն են.

- համապատասխան մարզաձևերի (վոլեյբոլ, բասկետբոլ, հանդբոլ, բռնցքամարտ, լող, մականախաղ, սեղանի թենիս, մեծ թենիս, նետաձգություն, ցատկացանց, ակրոբատիկա, գեղարվեստական մարմնամարզություն և այլ մարզաձևեր) ուսումնամարզական ծրագրերի իրականացումը, մասսայականացումն ու զարգացումը

- մարզական համապատասխան կազմակերպությունների և ակումբների հետ սերտ համագործակցության հաստատումը՝ մեթոդական աջակցության, համատեղ միջոցառումների և մրցաշարերի կազմակերպման միջոցով,

- Երևանի քաղաքապետարանի աշխատակազմի համապատասխան ստորաբաժանման որոշմամբ՝ Երևանի առաջնությունների կազմակերպումը,

- միջազգային մրցաշարերին, աշխարհի, Եվրոպայի և ՀՀ առաջնություններին մասնակից մարզիկների նախապատրաստումը, այդ թվում նաև՝ ուսումնամարզական հավաքների միջոցով:

3.2. Կազմակերպությունը կարող է զբաղվել ձեռնարկատիրական գործունեության հետևյալ տեսակներով.

- ✓ լրացուցիչ մանկավարժական ծրագրերի իրականացում, որը հաստատվում է վերադաս ստորաբաժանման ղեկավարի կողմից,
- ✓ մասնավոր և անհատական մարզումների կազմակերպում,
- ✓ ուսումնամարզական հավաքների և ճամբարների կազմակերպում,
- ✓ մարզումների կամ մարզամշակութային միջոցառումների կազմակերպման նպատակով մարզադպրոցի համապատասխան մարզադահլիճների տրամադրում:

4. Հաստատել «Շենգավիթի համալիր մարզաձևերի մանկապատանեկան մարզադպրոց» համայնքային ոչ առևտրային կազմակերպության կանոնադրությունը նոր խմբագրությամբ՝ համաձայն հավելվածի:

**ԵՐԵՎԱՆԻ ԱՎԱԳԱՆՈՒ
ԻՄ ՔԱՅԼԸ ԽՄԲԱԿՑՈՒԹՅԱՆ ԱՆԴԱՄ**

ԱՐՄԱՆ ԱՆՏՈՆՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆԻ ՇԵՆԳԱՎԻԹԻ ՍԵՂԱՆԻ ԹԵՆԻՍԻ ԵՎ ԹԵՆԻՍԻ ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ»,
«ԵՐԵՎԱՆԻ ՇԵՆԳԱՎԻԹԻ ԱԿՐՈՐԱՏԻԿԱՅԻ ԵՎ ԳԵՂԱՐՎԵՍՏԱԿԱՆ ՄԱՐՄՆԱՄԱՐԶՈՒԹՅԱՆ
ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ» ԵՎ «ՇԵՆԳԱՎԻԹԻ ՆԵՏԱԶԳՈՒԹՅԱՆ ՄԱՐԶԱԿՈՒՄԲ»
ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆԵՐԸ ՎԵՐԱԿԱԶՄԱԿԵՐՊԵԼՈՒ,
«ՇԵՆԳԱՎԻԹԻ ՀԱՄԱԼԻՐ ՄԱՐԶԱԶԵՎԵՐԻ ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ» ՀԱՄԱՅՆՔԱՅԻՆ
ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԱՆՎԱՆԱՓՈԽՄԱՆ ԵՎ ԿԱՆՈՆԱԴՐՈՒԹՅՈՒՆԸ ՆՈՐ
ԽՄԲԱԳՐՈՒԹՅԱՄԲ ՀԱՍՏԱՏԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՑԱԼ

Երևան քաղաքի Շենգավիթ վարչական շրջանի ղեկավարի աշխատակազմի ենթակայությամբ գործում է չորս համայնքապատկան մարզական կազմակերպություն. «Շենգավիթի համալիր մարզաձևերի մանկապատանեկան մարզադպրոց», «Երևանի Շենգավիթի սեղանի թենիսի և թենիսի մանկապատանեկան մարզադպրոց», «Երևանի Շենգավիթի ակրոբատիկայի և գեղարվեստական մարմնամարզության մանկապատանեկան մարզադպրոց» և «Շենգավիթի նետաձգության մարզակումբ» համայնքային ոչ առևտրային կազմակերպությունները:

Բոլոր չորս կազմակերպությունները գործում են միևնույն մարզադպրոցում՝ Երևանի Եղիշե Թադևոսյան փողոցի 11 շենքում: Մարզադպրոցի ներսում գործող կազմակերպությունների գործունեությունն ինքնին ոչ համաչափ է ու ոչ արդյունավետ և, հանգամանքների բերումով, սաների մի մասն իրենց մարզումներն անցկացնում են տարբեր հանրակրթական դպրոցների և այլ մարզակումբների մարզադահլիճներում:

Մարզադպրոցի արդյունավետ կառավարման, գործող կազմակերպությունների համար նախատեսված ֆինանսական միջոցների նպատակային ծախսի, առկա մարզաձևերի ճիշտ կազմակերպման, ինչպես նաև մարդկային՝ մասնագիտական ռեսուրսների ճիշտ կառավարման տեսանկյունից նպատակահարմար է միավորել կազմակերպությունները՝ մեկ ընդհանուր համալիր մարզադպրոցի ներքո:

Միավորվող կազմակերպությունների գործող մարզական խմբերը կհամախմբվեն նոր կազմավորվող կազմակերպության ներքո, որոնք արդյունքում կգործեն սեփական տարածքում:

Մարզադպրոցի տարածքում կենտրոնացնելով բոլոր գործող խմբերը՝ հնարավոր կլինի նաև պահել այն խիստ բժշկական հսկողության ներքո, ինչը չի արվում ներկա պահին:

Հաշվետու տարվա ընթացքում կընձեռնվի էական խնայողություններ ունենալու հնարավորություն և ընդհանուր առմամբ՝ նախատեսվող համայնքային միջոցները կծառայեն առավելապես արդյունավետ և թիրախային:

ԵՐԵՎԱՆԻ ԱՎԱԳԱՆՈՒ
ԻՄ ՔԱՅԼԸ ԽՄԲԱԿՑՈՒԹՅԱՆ ԱՆԴԱՄ

ԱՐՄԱՆ ԱՆՏՈՆՅԱՆ

ՏԵՂԵԿԱՆՔ

««ԵՐԵՎԱՆԻ ՇԵՆԳԱՎԻԹԻ ՍԵՂԱՆԻ ԹԵՆԻՍԻ ԵՎ ԹԵՆԻՍԻ ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ»,
«ԵՐԵՎԱՆԻ ՇԵՆԳԱՎԻԹԻ ԱԿՐՈՐԱՏԻԿԱՅԻ ԵՎ ԳԵՂԱՐՎԵՍՏԱԿԱՆ ՄԱՐՄՆԱՄԱՐԶՈՒԹՅԱՆ
ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ» ԵՎ «ՇԵՆԳԱՎԻԹԻ ՆԵՏԱԶԳՈՒԹՅԱՆ ՄԱՐԶԱԿՈՒՄԲ»
ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆԵՐԸ ՎԵՐԱԿԱԶՄԱԿԵՐՊԵԼՈՒ,
«ՇԵՆԳԱՎԻԹԻ ՀԱՄԱԼԻՐ ՄԱՐԶԱԶԵՎԵՐԻ ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ» ՀԱՄԱՅՆՔԱՅԻՆ
ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԱՆՎԱՆԱՓՈԽՄԱՆ ԵՎ ԿԱՆՈՆԱԴՐՈՒԹՅՈՒՆԸ ՆՈՐ
ԽՄԲԱԳՐՈՒԹՅԱՄԲ ՀԱՍՏԱՏԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՍ ԲԱՑԱԿԱՅՈՒԹՅԱՆ ՎԵՐԱԲԵՐՅԱԼ

««Երևանի Շենգավիթի սեղանի թենիսի և թենիսի մանկապատանեկան մարզադպրոց», «Երևանի Շենգավիթի ակրոբատիկայի և գեղարվեստական մարմնամարզության մանկապատանեկան մարզադպրոց» և «Շենգավիթի նետաձգության մարզակումբ» համայնքային ոչ առևտրային կազմակերպությունները վերակազմակերպելու, «Շենգավիթի համալիր մարզաձևերի մանկապատանեկան մարզադպրոց» համայնքային ոչ առևտրային կազմակերպության անվանափոխման և կանոնադրությունը նոր խմբագրությամբ հաստատելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ՏԵՂԵԿԱՆՔ

««ԵՐԵՎԱՆԻ ՇԵՆԳԱՎԻԹԻ ՍԵՂԱՆԻ ԹԵՆԻՍԻ ԵՎ ԹԵՆԻՍԻ ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ»,
«ԵՐԵՎԱՆԻ ՇԵՆԳԱՎԻԹԻ ԱԿՐՈՐԱՏԻԿԱՅԻ ԵՎ ԳԵՂԱՐՎԵՍՏԱԿԱՆ ՄԱՐՄՆԱՄԱՐԶՈՒԹՅԱՆ
ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ» ԵՎ «ՇԵՆԳԱՎԻԹԻ ՆԵՏԱԶԳՈՒԹՅԱՆ ՄԱՐԶԱԿՈՒՄԲ»
ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆԵՐԸ ՎԵՐԱԿԱԶՄԱԿԵՐՊԵԼՈՒ,
«ՇԵՆԳԱՎԻԹԻ ՀԱՄԱԼԻՐ ՄԱՐԶԱԶԵՎԵՐԻ ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ» ՀԱՄԱՅՆՔԱՅԻՆ
ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԱՆՎԱՆԱՓՈԽՄԱՆ ԵՎ ԿԱՆՈՆԱԴՐՈՒԹՅՈՒՆԸ ՆՈՐ
ԽՄԲԱԳՐՈՒԹՅԱՄԲ ՀԱՍՏԱՏԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ
ՄՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՎԵՐԱԲԵՐՅԱԼ

««Երևանի Շենգավիթի սեղանի թենիսի և թենիսի մանկապատանեկան մարզադպրոց», «Երևանի Շենգավիթի ակրոբատիկայի և գեղարվեստական մարմնամարզության մանկապատանեկան մարզադպրոց» և «Շենգավիթի նետաձգության մարզակումբ» համայնքային ոչ առևտրային կազմակերպությունները վերակազմակերպելու, «Շենգավիթի համալիր մարզաձևերի մանկապատանեկան մարզադպրոց» համայնքային ոչ առևտրային կազմակերպության անվանափոխման և կանոնադրությունը նոր խմբագրությամբ հաստատելու մասին» Երևան քաղաքի ավագանու որոշման նախագծի ընդունման կապակցությամբ Երևանի բյուջեի ծախսերում նախատեսվում են տնտեսումներ:

ԵՐԵՎԱՆԻ ԱՎԱԳԱՆՈՒ
ԻՄ ՔԱՅԼԸ ԽՄԲԱԿՑՈՒԹՅԱՆ ԱՆԴԱՄ

ԱՐՄԱՆ ԱՆՏՈՆՅԱՆ

Կազմված է «___» _____ 2022թ.

և բաղկացած է 9 թերթից

Տպագրված է ընդամենը 5 օրինակ

Օրինակ ----

ՀԱՍՏԱՏՎԱԾ Է

Հայաստանի Հանրապետության

Երևան քաղաքի ավագանու

«.....» փետրվար 2022 թ.

N Ա որոշմամբ

Երևանի քաղաքապետ

..... Հ.Սարգսյան

ԳՐԱՆՑՎԱԾ Է

Հայաստանի Հանրապետության

իրավաբանական անձանց պետական

ռեգիստրի գործակալության կողմից

« 02» 05 2012 թ.

գրանցման թիվ 222. 215. 95150

ՀՎՀՀ 02253231

ծածկագիր 41825721

02.05.2012 թ. գրանցված

կանոնադրության _____

փոփոխությունը գրանցված է

իրավաբանական անձանց պետական

ռեգիստրի կողմից

_____ 20__թ.

աշխատակից՝

«ԵՐԵՎԱՆ ՔԱՂԱՔԻ ՇԵՆԳԱՎԻԹ ՎԱՐՉԱԿԱՆ ՇՐՋԱՆԻ ՀԱՄԱԼԻՐ ՄԱՐԶԱԴՊՐՈՑ»

Համայնքային ոչ առևտրային կազմակերպության

Կ Ա Ն Ո Ն Ա Դ Ր ՈՒ Թ Յ ՈՒ Ն

(նոր խմբագրություն)

Ե Ր Ե Վ Ա Ն 2022 թ.

1. ԸՆԴՀԱՆՈՒՐ ԴՐՈՒՅԹՆԵՐ

1.1. «Երևան քաղաքի Շենգավիթ վարչական շրջանի համալիր մարզադպրոց» համայնքային ոչ առևտրային կազմակերպությունը (այսուհետ՝ Կազմակերպություն) շահույթ ստանալու նպատակ չհետապնդող, իրավաբանական անձի կարգավիճակ ունեցող ոչ առևտրային կազմակերպություն է, որը հանդիսանում է անվանափոխված «Շենգավիթի համալիր մարզաձևերի մանկապատանեկան մարզադպրոց» համայնքային ոչ առևտրային կազմակերպության (գրանցման N 222. 215. 95150, ծածկագիր 41825721, գրանցված 02.05.2012թ.) իրավահաջորդը, որը ստեղծվել է Երևանի քաղաքապետի 12.10.2011 թ. N4733-Ա որոշմամբ «Երևանի սպորտկոմիտե» ՀՈԱԿ-ի՝ գրանցված ՀՀ իրավաբանական անձանց պետական ռեգիստրի Կենտրոնական մարմնի կողմից, գրանցման N 222.210.01251, վկայական N03U088309, 05.08.2010 թ. առանձնացման ձևով վերակազմակերպման արդյունքում և հանդիսանում է վերջինիս իրավահաջորդը:

Կազմակերպությունն իրավահաջորդն է նաև «Երևանի Շենգավիթի սեղանի թենիսի և թենիսի մանկապատանեկան մարզադպրոց» համայնքային ոչ առևտրային կազմակերպության (վկայական N03U245155, գրանցման N 222. 215. 95155, գրանցված 02.05.2012թ.), «Երևանի Շենգավիթի ակրոբատիկայի և գեղարվեստական մարմնամարզության մանկապատանեկան մարզադպրոց» համայնքային ոչ առևտրային կազմակերպության (վկայական N03U245151, գրանցման N 222. 215. 95151, գրանցված 02.05.2012թ.) և «Շենգավիթի նետաձգության մարզակումբ» համայնքային ոչ առևտրային կազմակերպության (վկայական N03U1062761, գրանցման N 269. 215. 912761, գրանցված 09.06.2016 թ.):

1.2. Կազմակերպությունն իր գործունեության ընթացքում ղեկավարվում է Հայաստանի Հանրապետության սահմանադրությամբ, ՀՀ քաղաքացիական և աշխատանքային օրենսգրքերով, «Երևան քաղաքում տեղական ինքնակառավարման մասին», «Պետական ոչ առևտրային կազմակերպությունների մասին», «Գնումների մասին», «Մանկապատանեկան սպորտի մասին», «Ֆիզիկական կուլտուրայի և սպորտի մասին» ՀՀ օրենքներով, այլ իրավական ակտերով և սույն կանոնադրությամբ:

1.3. Կազմակերպության հիմնադիրը Երևան համայնքն է (այսուհետ՝ Համայնք)՝ ի դեմս Երևանի ավագանու (այսուհետ՝ Հիմնադիր), իսկ հիմնադրի կողմից, որպես համայնքային կազմակերպության կառավարումն իրականացնող լիազորված մարմին հանդիսանում է Երևանի քաղաքապետը (այսուհետ՝ Քաղաքապետ):

1.4. Կազմակերպությունը, որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով: Կազմակերպությունը կարող է իր անունից ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

1.5. Կազմակերպությունն այլ կազմակերպության հիմնադիր կամ մասնակից կարող է հանդիսանալ միայն Հիմնադրի որոշմամբ:

1.6. Կազմակերպությունը կարող է ունենալ հիմնարկներ, մասնաճյուղեր, կամ ներկայացուցիչներ, որոնք ստեղծվում են Հիմնադրի որոշմամբ, և օրենքով սահմանված կարգով ենթակա են հաշվառման իրավաբանական անձանց գրանցումն իրականացնող մարմնի կողմից:

1.7. Կազմակերպությունն ունի Հայաստանի Հանրապետության պետական զինանշանի պատկերով և իր անվանմամբ կնիք, խորհրդանիշ, ձևաթղթեր և ՀՀ օրենսդրությամբ չարգելված անհատականացման այլ միջոցներ:

1.8. Կազմակերպությունն ունի ինքնուրույն հաշվեկշիռ, եկամուտների և ծախսերի նախահաշիվ:

1.9. Կազմակերպությունը պատասխանատվություն չի կրում Հիմնադրի պարտավորությունների համար: Հիմնադիրը պատասխանատվություն է կրում մինչև Կազմակերպության պետական գրանցումը ծագած՝ Կազմակերպության ստեղծման հետ կապված պարտավորությունների համար:

1.10. Կազմակերպության անվանումն է՝

Հայերեն լրիվ՝ «Երևան քաղաքի Շենգավիթ վարչական շրջանի համալիր մարզադպրոց» համայնքային ոչ առևտրային կազմակերպություն, կրճատ՝ «Շենգավիթի համալիր մարզադպրոց» ՀՈԱԿ.

Ռուսերեն լրիվ՝ «Комплексная спортивная школа административного района Шенгавит города Ереван» общинная некоммерческая организация, կրճատ՝ «Комплексная спортшкола Шенгавита» ОНКО.

Անգլերեն լրիվ՝ «Complex Sports School of Yerevan City Shengavit Administrative District» Community non commercial organization, կրճատ՝ «Complex Sports School of Shengavit» CNCO.

1.11. Կազմակերպության գտնվելու վայրն է. Հայաստանի Հանրապետություն, քաղաք Երևան, Եղիշե Թադևոսյան փողոց, շենք 11:

2. ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ԵՎ ՆՊԱՏԱԿԸ

2.1. Կազմակերպությունը ստեղծվում է ուսումնամարզական մասնագիտական կրթություն իրականացնելու համար: Կազմակերպությունը մարզական ուսումնական հաստատություն է:

2.2. Կազմակերպության գործունեության առարկան՝ ուսումնամարզական ծրագրի իրականացումն է:

2.3. Կազմակերպության նպատակներն են.

- համապատասխան մարզաձևերի (վոլեյբոլ, բասկետբոլ, հանդբոլ, բոնցքամարտ, լող, մականախաղ, սեղանի թենիս, մեծ թենիս, նետաձգություն, ցատկացանց, ակրոբատիկա, գեղարվեստական մարմնամարզություն և այլ մարզաձևեր) ուսումնամարզական ծրագրերի իրականացումը, մասսայականացումն ու զարգացումը,
- մարզական համապատասխան կազմակերպությունների և ակումբների հետ սերտ համագործակցության հաստատումը՝ մեթոդական աջակցության, համատեղ միջոցառումների և մրցաշարերի կազմակերպման միջոցով,
- ուսումնամարզական գործընթացի միջոցով Երևան քաղաքի հավաքական թիմերի համալրումը, հավաքականների թեկնածուների մարզական վարպետության բարձրացումը,
- Երևանի քաղաքապետարանի աշխատակազմի համապատասխան ստորաբաժանման որոշմամբ՝ Երևանի առաջնությունների կազմակերպումը,
- միջազգային մրցաշարերին, աշխարհի, Եվրոպայի և ՀՀ առաջնություններին մասնակից մարզիկների նախապատրաստումը, այդ թվում նաև՝ ուսումնամարզական հավաքների միջոցով:

2.4. Հիմնադրի որոշմամբ Կազմակերպությունը կարող է զբաղվել ձեռնարկատիրական գործունեության հետևյալ տեսակներով.

- ✓ լրացուցիչ մանկավարժական ծրագրերի իրականացում, որը հաստատվում է վերադաս ստորաբաժանման ղեկավարի կողմից,
- ✓ մասնավոր և անհատական մարզումների կազմակերպում,
- ✓ ուսումնամարզական հավաքների և ճամբարների կազմակերպում,
- ✓ մարզումների կամ մարզամշակութային միջոցառումների կազմակերպման նպատակով մարզադպրոցի համապատասխան մարզադահլիճների տրամադրում:

2.5. Կազմակերպության աշխատանքի հիմնական ցուցանիշն է համարվում՝

- ՀՀ օրենսդրությամբ սահմանված կարգով համապատասխան ուսումնամարզական գործընթացի կազմակերպումը,
- խմբերի կայունության պահպանումը, Երևանի և ազգային հավաքական թիմերի համալրումը:

2.6. Կազմակերպությունն իրավունք ունի՝

- կազմակերպել ուսումնամարզական հավաքներ՝ համաքաղաքային, հանրապետական և միջազգային մրցումներին նախապատրաստվելու նպատակով:
- կազմակերպել ամառային ուսումնամարզական ճամբարներ՝ մարզվողների հանգիստը ուսումնամարզական գործընթացի շրջանակներում իրականացնելու նպատակով:
- ՀՀ օրենսդրությամբ սահմանված կարգով հաստատել կապեր արտերկրների և միջազգային ուսումնական և մարզական համապատասխան կազմակերպությունների հետ:

3. ԿԱԶՄԱԿԵՐՊՈՒԹՅԱՆ ԿԱՌԱՎԱՐՈՒՄԸ

3.1. Կազմակերպության կառավարումն իրականացնում են Հիմնադիրը, Քաղաքապետը և Կազմակերպության գործադիր մարմինը՝ տնօրենը:

Քաղաքապետը, Կազմակերպության գործադիր մարմինը, նրա տեղակալները Կազմակերպության անունից հանդես գալիս պետք է գործեն բարեխղճորեն և ողջամիտ՝ ի շահ իրենց կողմից ներկայացվող Կազմակերպության:

3.2. Կազմակերպության Հիմնադիրն ունի Կազմակերպության գործունեությանը և կառավարմանը վերաբերվող ցանկացած հարցի վերջնական լուծման իրավունք, բացառությամբ օրենքով նախատեսված դեպքերի:

Հիմնադրի բացառիկ լիազորություններն են՝

- ա) Կազմակերպության հիմնադրումը,
- բ) Կազմակերպության գործունեության առարկայի և նպատակների՝ այդ թվում նրա կողմից իրականացվող ձեռնարկատիրական գործունեության տեսակների սահմանումը,
- գ) Կազմակերպության վերակազմակերպումը և լուծարումը,
- դ) Կազմակերպությանը սեփականության իրավունքով հանձնվող և (կամ) ամրակցվող՝ համայնքին պատկանող գույքի կազմի հաստատումը,
- ե) Կազմակերպության կանոնադրության հաստատումը և դրանում փոփոխությունների կատարումը,
- զ) Կազմակերպության կառավարման համակարգի սահմանումը,
- է) Կազմակերպության լուծարման հանձնաժողովի նշանակումը և լուծարման հաշվեկշռի հաստատումը:

3.3. Քաղաքապետն իրականացնում է Կազմակերպության ընդհանուր կառավարումը, ապահովում է նրա բնականոն գործունեությունը և պատասխանատվություն է կրում դրանց չկատարման կամ ոչ պատշաճ կատարման համար:

3.4. Քաղաքապետը՝

- ա) սույն կանոնադրությամբ սահմանված կարգով իրականացնում է նրա կառավարման մարմինների ձևավորումը և նրանց լիազորությունների վաղաժամկետ դադարեցումը,
- բ) իրականացնում է Կազմակերպության գործունեության վերահսկողությունը,
- գ) կասեցնում կամ ուժը կորցրած է ճանաչում Կազմակերպության գործադիր մարմնի՝ Հայաստանի Հանրապետության օրենսդրության պահանջներին հակասող հրամանները, հրահանգները, կարգադրություններն ու ցուցումները,
- դ) լսում է Կազմակերպության գործունեության մասին հաշվետվություններ, քննում է դրանց գործունեության վերստուգման արդյունքները,

ե) վերահսկողություն է իրականացնում Կազմակերպությանն ամրակցված համայնքային սեփականության օգտագործման և պահպանության նկատմամբ,

զ) վերահսկողություն է իրականացնում Կազմակերպության սեփականության պահպանության նկատմամբ, իսկ օրենքով, Հիմնադրի որոշմամբ կամ սույն կանոնադրությամբ նախատեսված դեպքերում համաձայնություն է տալիս նրա գույքի օտարման կամ վարձակալության հանձնման համար,

է) հաստատում է Կազմակերպության կառուցվածքը, աշխատակիցների թվաքանակը, հաստիքացուցակը և պաշտոնային դրույքաչափերը,

ը) հաստատում է Կազմակերպության տարեկան եկամուտների և ծախսերի նախահաշիվը, հաշվետվությունները և տարեկան հաշվեկշիռը,

թ) իրականացնում է օրենքով, Հիմնադրի որոշումներով նախատեսված այլ գործառնություններ:

3.5. Կազմակերպության գործադիր մարմինը.

ա) Կազմակերպության ընթացիկ գործունեության ղեկավարումն իրականացնում է տնօրենը, որին պաշտոնում նշանակում և պաշտոնից ազատում է Երևանի քաղաքապետը:

Կազմակերպության տնօրենն օրենքով, Հիմնադրի ու Քաղաքապետի որոշումներով և սույն կանոնադրությամբ իրենց վերապահված լիազորությունների սահմաններում ղեկավարում է Կազմակերպության գործունեությունը և կրում պատասխանատվություն՝ ՀՀ օրենսդրության, Հիմնադրի կամ Քաղաքապետի որոշումների, սույն կանոնադրության և կնքված պայմանագրերի պահանջները չկատարելու կամ ոչ պատշաճ կատարելու համար:

բ) Տնօրենի հետ կնքվում է աշխատանքային պայմանագիր, որը Հիմնադրի անունից ստորագրում է Քաղաքապետը:

գ) Կազմակերպության գործադիր մարմնում նշանակված անձը պետք է բավարարի օրենքով նախատեսված պահանջներին:

դ) Կազմակերպության տնօրենի պաշտոնում նշանակվող անձը պետք է ունենա բարձրագույն կրթություն և համապատասխան բնագավառի առնվազն 3 տարվա մասնագիտական ստաժ:

Նա չի կարող զբաղեցնել այլ պաշտոն, կամ կատարել վճարովի այլ աշխատանք, բացի գիտական, մանկավարժական ու ստեղծագործական աշխատանքից:

ե) Կազմակերպության տնօրենը պաշտոնում նշանակվում է մրցույթով:

զ) Կազմակերպության տնօրենի պաշտոնում հավակնող անձինք պարտավոր են ներկայացնել Կազմակերպության զարգացման ծրագիր, ինչը կարող է կողմնորոշիչ և հիմնավոր գործոն հանդիսանալ Քաղաքապետի համար:

է) Տնօրենի պաշտոնում նշանակված անձը լրիվ գույքային պատասխանատվություն է կրում իր մեղքով Կազմակերպությանը պատճառած վնասի համար:

ը) Կազմակերպության գործադիր մարմնի պաշտոնում նշանակված անձը պարտավոր չէ կատարել Հիմնադրի, Քաղաքապետի օրենսդրությանը հակասող որոշումները, կարգադրությունները, հրամանները, հրահանգները և դրանց չկատարման համար չի կարող ենթարկվել պատասխանատվության:

3.6. Կազմակերպության տնօրենը՝

ա) կատարում է աշխատանքի բաշխում տնօրենի տեղակալների միջև,

բ) առանց լիազորագրի հանդես է գալիս Կազմակերպության անունից, ներկայացնում է նրա շահերը և կնքում գործարքներ,

գ) ՀՀ օրենսդրությամբ, Հիմնադրի և Քաղաքապետի որոշումներով ու սույն կանոնադրությամբ սահմանված կարգով տնօրինում է Կազմակերպության գույքը, այդ թվում՝ ֆինանսական միջոցները,

դ) տալիս է Կազմակերպության անունից հանդես գալու լիազորագրեր, այդ թվում՝ վերալիազորման իրավունքով լիազորագրեր,

ե) աշխատանքի նշանակում և աշխատանքից ազատում է Կազմակերպության աշխատողներին, նրանց նկատմամբ կիրառում խրախուսման միջոցներ ու նշանակում կարգապահական տույժեր: Կազմակերպության կազմում հիմնարկներ, մասնաճյուղեր կամ ներկայացուցչություններ ստեղծվելու դեպքում աշխատանքի նշանակում և աշխատանքից ազատում է դրանց ղեկավարներին (տնօրեններին),

զ) բանկերում բացում է հաշվարկային հաշիվներ,

է) սահմանում է Կազմակերպության կառուցվածքային ստորաբաժանումների իրավասությունները,

ը) օրենքով և սույն կանոնադրությամբ սահմանված իր լիազորությունների սահմաններում արձակում է հրամաններ, տալիս կատարման համար պարտադիր ցուցումներ և վերահսկում դրանց կատարումը, կնքում է քաղաքացիաիրավական պայմանագրեր,

թ) ապահովում է Կազմակերպության գործունեության մասին համապատասխան հաշվետվությունների կազմումը և դրանք սահմանված կարգով ներկայացնում լիազորված համայնքային մարմին,

ժ) ուսումնամարզական յուրաքանչյուր տարվա սկզբում՝ մինչև հոկտեմբերի 5-ը կազմում և Երևանի քաղաքապետարանի աշխատակազմի համապատասխան ստորաբաժանման համաձայնեցմանն է ներկայացնում տվյալ ուսումնամարզական տարվա խմբերի համալրման (կոմպլեկտավորման) պլանը:

ժա) իրականացնում է ՀՀ օրենսդրությանը չհակասող այլ լիազորություններ:

4. ԿԱԶՄԱԿԵՐՊՈՒԹՅԱՆ ԳՈՒՅՔՆ ՈՒ ՖԻՆԱՆՍԱԿԱՆ ՄԻՋՈՑՆԵՐԸ

4.1. Կազմակերպության սեփականությունը ձևավորվում է Կազմակերպության հիմնադրման ժամանակ և հետագայում Հիմնադրի կողմից սեփականության իրավունքով նրան հանձնվող, ինչպես նաև Կազմակերպության գործունեության ընթացքում արտադրված և ձեռք բերված գույքից:

4.2. Կազմակերպությունն իրավունք ունի օրենքին, հիմնադրի որոշումներին և /կամ/ սույն կանոնադրությանը համապատասխան իր հայեցողությամբ տիրապետել, տնօրինել և օգտագործել սեփականության իրավունքով իրեն պատկանող գույքը:

4.3. Կազմակերպության սեփականության պահպանման հոգսը կրում է Կազմակերպությունը:

4.4. Կազմակերպության սեփականության վրա կարող է բռնագանձում տարածվել միայն դատական կարգով:

4.5. Հիմնադիրը կարող է Կազմակերպությանն անժամկետ և անհատույց օգտագործան իրավունքով ամրացնել ցանկացած գույք: Հիմնադիրն իրավունք ունի հետ վերցնել իր կողմից Կազմակերպությանն ամրացված գույքը:

4.6. Կազմակերպությունն իրավունք չունի իրեն ամրացված գույքը կամ դրա նկատմամբ իր իրավունքներն օտարելու, գրավ դնելու, հանձնելու անհատույց օգտագործման: Կազմակերպությունն իրավունք ունի իրեն ամրացված գույքը համայնքի անունից հանձնել վարձակալության, եթե դա արգելված չէ Հիմնադրի կամ Քաղաքապետի որոշմամբ:

Վարձակալության հանձնված գույքի վարձակալական վճարներից ստացված դրամական միջոցներն ամբողջությամբ ուղղվում են համայնքային բյուջե:

4.7. Վարձակալության չհանձնված ամրացված գույքի օգտագործման արդյունքում Կազմակերպության ստացած եկամուտները Կազմակերպության սեփականությունն են: Կազմակերպությանն ամրացված գույքի ընթացքում առաջացած անբաժանելի բարելավումները հանդիսանում են Հիմնադրի սեփականությունը:

4.8. Հիմնադրի կողմից գույքը Կազմակերպությանն ամրացնելը հիմք չէ այդ գույքի նկատմամբ Հիմնադրի կամ երրորդ անձանց իրավունքները դադարեցնելու կամ փոփոխելու համար:

4.9. Հիմնադրի կողմից Կազմակերպությանն ամրացված անշարժ գույքի կամ պետական պարտադիր գրանցման ենթակա գույքի նկատմամբ Կազմակերպության օգտագործան իրավունքը ծագում է դրանց նկատմամբ իրավունքի պետական գրանցման պահից:

4.10. Կազմակերպության ֆինանսական միջոցների հիմնական աղբյուր են հանդիսանում ՀՀ պետական և համայնքային բյուջեներից հատկացումները, վճարովի ծառայություններից և սույն կանոնադրությամբ նախատեսված ու ՀՀ օրենսդրությամբ չարգելված այլ գործունեության արդյունքում գոյացած սեփական միջոցները, իրավաբանական և ֆիզիկական անձանց կամավոր ներդրումներն ու հանգանակությունները, նվիրատվություններն ու նվիրաբերությունները, տեղական և միջազգային կազմակերպությունների կողմից տրամադրված մարզական, ուսումնամարզական, կրթամշակութային և այլ դրամաշնորհները:

4.11. Լիցենզավորված գործունեության տեսակներով Կազմակերպությունը կարող է զբաղվել միայն Կազմակերպության ստացած լիցենզիայի հիման վրա:

4.12. Կազմակերպության գործունեության ընթացքում առաջացած շահույթն օգտագործվում է սույն կանոնադրությամբ նախատեսված նպատակների իրականացման համար: Կազմակերպության շահույթի օգտագործման կարգը սահմանում է Հիմնադիրը:

4.13. Կազմակերպության կողմից իր կարիքների համար գնումները կատարվում են «Գնումների մասին» Հայաստանի Հանրապետության օրենքով սահմանված կարգով:

4.14. Կազմակերպության կողմից այլ ծառայություններ, աշխատանքներ կարող են մատուցվել կամ ապրանքներ իրացվել միայն «Գնումների մասին» Հայաստանի Հանրապետության օրենքով նախատեսված կարգով:

4.15. Կազմակերպությունը հարկերը, տուրքերը և պարտադիր այլ վճարները վճարում է շահույթ ստանալու նպատակ չհետապնդող կազմակերպությունների համար նախատեսված կարգով ու չափով:

4.16. Համայնքային կազմակերպությունը Հիմնադրի կողմից սահմանված կարգով պարտավոր է հրապարակել իր տարեկան ֆինանսական հաշվետվությունը:

4.17. Կազմակերպության ֆինանսական գործունեության նկատմամբ վերահսկողությունն իրականացնում են Հիմնադիրն ու Քաղաքապետը:

4.18. Կազմակերպության գործունեության տարեկան ֆինանսական հաշվետվությունների հավաստիությունը կարող է ենթարկվել աուդիտի (վերստուգման) լիազոր մարմնի կողմից ընտրված աուդիտորի կողմից:

5. ԿԱԶՄԱԿԵՐՊՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

5.1. Համայնքային Կազմակերպությունը կարող է վերակազմակերպվել կամ լուծարվել Հիմնադրի որոշմամբ, ՀՀ քաղաքացիական օրենսգրքով սահմանված կարգով:

Համայնքային Կազմակերպությունը կարող է լուծարվել նաև սնանկության հետևանքով, իսկ օրենքով նախատեսված դեպքերում նաև դատական կարգով:

5.2. Համայնքային Կազմակերպության լուծարման դեպքում, պարտատերերի պահանջները բավարարելուց հետո, մնացած գույքն ուղղվում է Երևանի բյուջե:

5.3. Համայնքային Կազմակերպության լուծարմամբ նրա գործունեությունը դադարում է՝ առանց իրավունքները և պարտականություններն իրավահաջորդության կարգով այլ անձանց անցնելու:

ՏԵՂԵԿԱՆՔ-ԱՄՓՈՓԱԹԵՐԹ

**«ԵՐԵՎԱՆԻ ՇԵՆԳԱՎԻԹԻ ՄԵՂԱՆԻ ԹԵՆԻՄԻ ԵՎ ԹԵՆԻՄԻ ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ»,
 «ԵՐԵՎԱՆԻ ՇԵՆԳԱՎԻԹԻ ԱԿՐՈՐԱՏԻԿԱՅԻ ԵՎ ԳԵՂԱՐՎԵՍՏԱԿԱՆ ՄԱՐՄՆԱՄԱՐԶՈՒԹՅԱՆ
 ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ» ԵՎ «ՇԵՆԳԱՎԻԹԻ ՆԵՏԱԶԳՈՒԹՅԱՆ ՄԱՐԶԱԿՈՒՄԲ»
 ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆԵՐԸ ՎԵՐԱԿԱԶՄԱԿԵՐՊԵԼՈՒ,
 «ՇԵՆԳԱՎԻԹԻ ՀԱՄԱԼԻՐ ՄԱՐԶԱԶԵՎԵՐԻ ՄԱՆԿԱՊԱՏԱՆԵԿԱՆ ՄԱՐԶԱԴՊՐՈՑ» ՀԱՄԱՅՆՔԱՅԻՆ
 ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԱՆՎԱՆԱՓՈԽՄԱՆ ԵՎ ԿԱՆՈՆԱԴՐՈՒԹՅՈՒՆԸ ՆՈՐ
 ԽՄԲԱԳՐՈՒԹՅԱՄԲ ՀԱՍՏԱՏԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
 ՎԵՐԱԲԵՐՑԱԼ**

Հ/Հ	Առաջարկության, առարկության հեղինակը	Առաջարկության, առարկության բովանդակությունը	Նշումներ
1.	Երևանի քաղաքապետարանի աշխատակազմի ֆինանսական վարչություն	Համաձայն ՀՀ քաղաքացիական օրենսգրքի 63-րդ հոդվածի 1-ին կետի՝ իրավաբանական անձի վերակազմակերպման եղանակներից է միաձուլումը, միացումը, բաժանումն, առանձնացումը, վերակազմավորումը: Նախագծում ներկայացված ձևակերպումներից իմաստային առումով պարզ է դառնում, որ վերակազմակերպումն առաջարկվում է իրականացնել միացման եղանակով, սակայն ձևակերպումներում նշված է՝ որպես վերակազմակերպում միավորման ձևով, ուստի առաջարկվում է Նախագծում և Նախագծին կից ներկայացված Կանոնադրության մեջ ՀՀ օրենսդրությունը համապատասխան հստակեցնել վերակազմակերպման եղանակը:	Ընդունվել է
2.	Երևանի քաղաքապետարանի աշխատակազմի ֆինանսական վարչություն	Նախագծի 3.2 կետով (Կանոնադրության մեջ՝ 4.11 կետ) մարզադպրոցի մարզադահլիճների տրամադրումը ներկայացված է՝ որպես ձեռնարկատիրական գործունեության տեսակ, իսկ գործունեության այդ տեսակն իրենից ենթադրում է ձեռնարկատիրական եկամուտ, սակայն Երևան քաղաքի ավագանու՝ 23.12.2020թ. հ.315-Ա որոշման հավելվածի 42-րդ և 43-րդ կետերի՝ Երևան քաղաքի սեփականություն հանդիսացող գույքը վարձակալությամբ կարող է տրամադրվել միայն Երևանի քաղաքապետի որոշմամբ, իսկ վարձակալությունից ստացվող դրամական մուտքերն ամբողջությամբ պետք է փոխանցվեն Երևան համայնքի բյուջե: Այդուհանդերձ, որևէ այլ իրավական ակտով	Ընդունվել է. Կանոնադրության 4.6. կետում ավելացվել է հետևյալ նախադասությունը. «Վարձակալության հանձնված գույքի վարձակալական վճարներից ստացված դրամական միջոցներն ամբողջությամբ ուղղվում են

		սահմանված չէ համայնքի սեփականություն հանդիսացող գույքի վարձակալության՝ այդ թվում ժամավճարով տրամադրման կարգը, ուստի հիշյալ կետն ունի իրավական կարգավորման կարիք, հետևաբար առաջարկում ենք այդ կետը չներառել Նախագծում և Կանոնադրությունում:	համայնքային բյուջե»:
3.	Երևանի քաղաքապետարանի աշխատակազմի ֆինանսական վարչություն	Նախագծի ընդունմամբ՝ Երևան համայնքի բյուջեի եկամուտների և ծախսերի սպասվող փոփոխությունների մասին տեղեկանքի՝ Երևան համայնքի բյուջեի ծախսերում փոփոխություններ չեն նախատեսվում, այնինչ Նախագծով մի շարք կազմակերպությունների՝ միացման ձևով վերակազմակերպման արդյունքում կառաջանան ծախսերի տնտեսումներ: Ելնելով վերոգրյալից՝ տեղեկացնում եմ, որ բարձրացված հարցերին հնարավոր է անդրադառնալ Նախագծով ստեղծվող կազմակերպության կանխատեսվող հաստիքացուցակը, կանխատեսվող տնտեսումների և պահպանման համար անհրաժեշտ ծախսերի՝ համապատասխան հիմնավորումներով քանակագումարային արտահայտությամբ հաշվարկներն աշխատակազմի ֆինանսական վարչություն ներկայացնելուց հետո:	Ընդունվել է. Կազմակերպության նախնական հաստիքացուցակը ներկայացվել է
4.	Երևանի քաղաքապետարանի աշխատակազմի ֆինանսական վարչություն	Նախագծին կից տեղեկանք-հիմնավորման մեջ ներկայացված հրաձգարանի ստեղծումն ու շենքի նկուղային հարկի վերանորոգումն իրենից ենթադրում է հավելյալ ֆինանսական միջոցների տրամադրում, ինչպես նաև փոփոխություններ հաստիքացուցակում (մարզիչների հավելյալ հաստիքների ավելացում), ուստի այդ հարցին ֆինանսական տեսանկյունից կարծիք հնարավոր է տալ նկուղի վերանորոգման աշխատանքների և հրաձգարանի շահագործման համար անհրաժեշտ հաստիքային միավորների ավելացման և ձեռքբերումների մասով հաշվարկ հիմնավորումներն աշխատակազմի ֆինանսական վարչություն ներկայացնելուց հետո	Ընդունվել է. Հրաձգարանի հիմնադրման համար անհրաժեշտ են ֆինանսական հավելյալ միջոցներ՝ շենքի նկուղային հարկի վերանորոգման և համապատասխան գույքի ձեռքբերման համար, ինչը նախատեսվում է պլանավորել Երևան քաղաքի 2022 թվականի բյուջեով: Նկուղային հարկի վերանորոգման՝ նախագծանախահաշվային փաստաթղթի

			պատրաստման նպատակով աշխատանքներ են տարվում Երևանի քաղաքապետարանի աշխատակազմի շինարարության և բարեկարգման վարչության հետ:
5.	Երևանի քաղաքապետարանի աշխատակազմի ֆինանսական վարչություն	Նախագծի ընդունման առնչությամբ այլ իրավական ակտերի ընդունման անհրաժեշտության կամ բացակայության վերաբերյալ տեղեկանքի համաձայն՝ Նախագծի ընդունմամբ այլ իրավական ակտերի ընդունման անհրաժեշտություն չի առաջանում, սակայն Երևան քաղաքի ավագանու՝ 26.06.2012թ. հ.472-Ն որոշմամբ է սահմանված Երևանի ենթակայության մարզադպրոցների կառավարման լիազորությունների փոխանցումը Երևանի վարչական շրջանի ղեկավարներին, ինչն էլ հիմք է հանդիսանում Երևան համայնքի բյուջեի՝ ըստ վարչական շրջանների և առանձին կազմակերպությունների ծախսերի բաշխման համար, ուստի առաջարկվում է համապատասխան փոփոխություն կատարել նաև հիշյալ իրավական ակտում:	Ընդունվել է. Սույն որոշման նախագծի ընդունմանը կհաջորդի Երևան քաղաքի ավագանու՝ 26.06.2012թ. հ.472-Ն որոշման փոփոխության նախագծի շրջանառությունը:
6.	Երևանի քաղաքապետարանի աշխատակազմի իրավաբանական վարչություն	Նախագծի նախաբանում «մասի» բառը փոխարինել «մասով» բառով, «կետի» բառը «կետով» բառով, իսկ «հոդվածի» բառը «հոդվածով» բառով:	Ընդունվել է
7.	Երևանի քաղաքապետարանի աշխատակազմի իրավաբանական վարչություն	Նախագծի հավելվածի 2.2-րդ կետով սահմանվում է, որ կազմակերպության առարկան համապատասխան ուսումնամարզական ծրագրի իրականացում է: Պարզ չէ համապատասխան ուսումնամարզական ծրագիրը որ մարզաձևին է վերաբերում:	Ընդունվել է. Կանոնադրության 2.2. կետուն հանվել է «համապատասխան» բառը
8.	Երևանի քաղաքապետարանի աշխատակազմի	Նախագծի 3.1-ին կետը՝ -«նպատակներ» բառից առաջ լրացնել «առարկան ու» բառերով, - հանել «մշակումն» բառը:	Ընդունվել է

	իրավաբանական վարչություն		
9.	Երևանի քաղաքապետարանի աշխատակազմի իրավաբանական վարչություն	Նախագծի հավելվածի 1.1-ին կետից հանել վերջին նախադասությունը:	Ընդունվել է
10.	Երևանի քաղաքապետարանի աշխատակազմի իրավաբանական վարչություն	Նախագծի հավելվածի 2.3-րդ կետից հանել «մշակումն» բառը:	Ընդունվել է
11.	Երևանի քաղաքապետարանի աշխատակազմի իրավաբանական վարչություն	Հաշվի առնելով «Պետական ոչ առևտրային կազմակերպությունների մասին» օրենքի 5-րդ հոդվածի 3-րդ մասի պահանջը, առաջարկում եմ նախագծի հավելվածի 4.6-րդ կետը լրացնել նոր նախադասությամբ հետևյալ բովանդակությամբ. «Վարձակալության հանձնված գույքի վարձակալական վճարներից ստացված դրամական միջոցներն ամբողջությամբ ուղղվում են համայնքային բյուջե:»:	Ընդունվել է
12.	Երևանի քաղաքապետարանի աշխատակազմի իրավաբանական վարչություն	Առաջարկում եմ նախագծի հավելվածի 4.11-րդ կետը շարադրել հավելվածի 2-րդ գլխում 2.3-րդ կետից հետո:	Ընդունվել է
13.	Երևանի քաղաքապետարանի աշխատակազմի իրավաբանական վարչություն	Լրամշակման կարիք ունեն նաև նախագծի հիմնավորումը և նախագծի ընդունման կապակցությամբ համայնքի բյուջեի եկամուտներում և ծախսերում սպասվելիք փոփոխությունների վերաբերյալ տեղեկանքը, քանի որ երկու կազմակերպությունները երրորդին միացման միջոցով վերակազմավորման արդյունքում ենթադրվում է ծախսերի տնտեսում:	Ընդունվել է
14.	Երևանի քաղաքապետարանի	2.1 Կազմակերպության նպատակն է. - Ընտրված մարզաձևերի (վոլեյբոլ, բասկետբոլ, հանդբոլ, բոնցքամարտ, մականախաղ, սեղանի	Ընդունվել է մասամբ. Առաջարկն այլ

	աշխատակազմի սպորտի և երիտասարդության հարցերի բաժին	թենիս, մեծ թենիս, նետաձգություն, ցատկացանց, ակրոբատիկա, գեղարվեստական մարմնամարզություն և այլ մարզաձևեր) ուսումնամարզական ծրագրերի մշակումը և իրականացումը, զանգվածայինացումն ու զարգացումը, ինչպես նաև Երևանի քաղաքապետին աջակցումը՝ Շենգավիթ վարչական շրջանի տարածքում մանկապատանեկան սպորտի զարգացման ու առողջ ապրելակերպի արմատավորման բնագավառում: - Մարզական կազմակերպությունների և ակումբների հետ համագործակցության հաստատումը՝ համատեղ միջոցառումների կազմակերպման միջոցով: - Երևան քաղաքի և Հանրապետության հավաքական թիմերի համալրումը պատանի մարզիկներով:	խմբագրմամբ ներառված է կանոնադրության համապատասխան կետում
15.	Երևանի քաղաքապետարանի աշխատակազմի սպորտի և երիտասարդության հարցերի բաժին	2.2 Կազմակերպությունը կարող է զբաղվել ձեռնարկատիրական գործունեության հետևյալ տեսակներով. -Ֆիզիկական կուլտուրայի և սպորտի բնագավառում տարբեր տարիքային խմբերին վճարովի ծառայությունների մատուցում, - Ֆիզիկական կուլտուրայի և սպորտի բնագավառի հետ կապված տարբեր տարիքային խմբերի ակտիվ հանգստի կազմակերպում, - Մարզական միջոցառումների ընթացքում վճարովի գովազդային գործունեության կազմակերպում:	Ընդունվել է մասամբ. Առաջարկն այլ խմբագրմամբ ներառված է կանոնադրության համապատասխան կետում
16.	Երևանի քաղաքապետարանի աշխատակազմի սպորտի և երիտասարդության հարցերի բաժին	Համալիր մարզադպրոցն իրավունք չունի կազմակերպել համայնքային կամ համաքաղաքային (քաղաքն ունի համայնքի կարգավիճակ), հանրապետական և միջազգային մրցաշարեր, նրա իրավասության մեջ մտնում է ներմարզադպրոցային կամ վարչական շրջանի /վերջինս վարչական շրջանի ղեկավարի հանձնարարականի համաձայն/ մարզական, առողջարարական ու զանգվածային միջոցառումների կազմակերպումը (նախագծի	Ընդունվել է

		3.1. կետ):	
17.	Երևանի քաղաքապետարանի աշխատակազմի սպորտի և երիտասարդության հարցերի բաժին	Հավաքներ /տվյալ տարվա վարչական շրջանի ղեկավարի կողմից հաստատված ծրագրի ու Երևանի քաղաքապետի կողմից հաստատված նախահաշվի համաձայն/ միայն ՀՀ առաջնություններին ու միջազգային մրցաշարերին նախապատրաստվելու նպատակով /աշխարհի, Եվրոպայի առաջնություններին, ինչպես նաև որոշ մարզաձևերի գծով Հայաստանի առաջնություններին կանոնակարգերի համաձայն հրավիրվում են Հանրապետության և վերջին դեպքում Երևան քաղաքի հավաքական թիմերը /նախագծի 3.1. կետ/:	Ընդունվել է մասամբ. - միջազգային մրցաշարերին, աշխարհի, Եվրոպայի և ՀՀ առաջնություններին մասնակից մարզիկների նախապատրաստումը, այդ թվում նաև՝ ուսումնամարզական հավաքների միջոցով:
18.	Երևանի քաղաքապետարանի աշխատակազմի սպորտի և երիտասարդության հարցերի բաժին	Ձեռնարկատիրական գործունեության տեսակներից «Լրացուցիչ մանկավարժական ծրագրեր» սպորտի ոլորտում և «Մասնավոր և անհատական մարզումների կազմակերպում կետերը մաս են կազմում առաջարկի մեջ ընդգրկված «Ֆիզիկական կուլտուրայի և սպորտի բնագավառում տարբեր տարիքային խմբերին վճարովի ծառայությունների մատուցում» ձեռնարկատիրական ծրագրի: «Ուսումնամարզական հավաքները» հանդիսանում են ուսումնամարզական գործընթացի բաղկացուցիչ մաս և իրականացվում են համայնքային բյուջեից կամ օրենքով չարգելված այլ ֆինանսական միջոցների հաշվին ու չեն կարող համարվել ձեռնարկատիրական գործունեություն: «Մարզադահլիճի /կամ գույքից տարածքի վարձակալությամբ/ տրամադրումը կարգավորվում է ՀՀ կառավարության 04.06.2020թ. N 914-Ն որոշմամբ, ուստի կազմակերպության ձեռնարկատիրական գործունեության մեջ ընդգրկելը կամ չընդգրկելը դեր չի խաղում /նախագծի 3.2. կետ/:	Ընդունվել է մասամբ. Առաջարկները հաշվի են առնվել

19.	Երևանի ավագանու իրավական հարցերի մշտական հանձնաժողով	Տեղեկանք-հիմնավորման թարմացում. հանել նոր ՀՈԱԿ-ի ստեղծման մասին և խնայված միջոցներով ծախսերի առաջարկվող տարբերակը	Ընդունվել է
20.	Երևանի ավագանու իրավական հարցերի մշտական հանձնաժողով	Կանոնադրության 2.3. կետում «ըմբշամարտ» բառը փոխարինել «լող» բառով	Ընդունվել է
21.	Երևանի ավագանու իրավական հարցերի մշտական հանձնաժողով	Կանոնադրության 2.3. կետի երրորդ ենթակետում «ձևավորումը» բառը փոխարինել «համալրումը» բառով:	Ընդունվել է
22.	Երևանի ավագանու իրավական հարցերի մշտական հանձնաժողով	Կանոնադրության 2.4. կետի չորրորդ ենթակետում «մարզադահլիճի» բառը փոխարինել «մարզադահլիճների» բառով:	Ընդունվել է

ԵՐԵՎԱՆԻ ԱՎԱԳԱՆՈՒ «ԻՄ ՔԱՅԼԸ» ԽՄԲԱԿՑՈՒԹՅԱՆ ԱՆԴԱՄ



ԱՐՄԱՆ ԱՆՏՈՆՅԱՆ